

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), člana 27. Kolektivnog ugovora za službenike organa uprave i sudske vlasti u Federaciji Bosne i Hercegovine i Sporazum o produženju primjene kolektivnog ugovora za službenike organa uprave sudske vlasti u Federaciji Bosne i Hercegovine, („Službene novine Federacije BiH“, broj: 6/20 i 5/22), na prijedlog Službe za zajedničke poslove, Vlada Zeničko-dobojskog kantona, na 8. sjednici, održanoj dana 21.12.2023. godine, donosi

ZAKLJUČAK

I.

Zadužuju se Ministarstvo za pravosuđe i upravu, Ministarstvo za obrazovanje, nauku, kulturu i sport i Ministarstvo unutrašnjih poslova, da izvrše konsultacije sa reprezentativnim sindikatima, svako iz svoje nadležnosti, u pogledu visine premije za kolektivno osiguranje uposlenika organa uprave i službi za upravu Zeničko-dobojskog kantona, Kantonalnog tužilaštva Zeničko-dobojskog kantona, Kantonalnog suda u Zenici, općinskih sudova sa područja Zeničko-dobojskog kantona, Kantonalnog pravobranilaštva, uposlenike obrazovanja i Ministarstva unutrašnjih poslova.

II.

Izvještaje o provedenim konsultacijama iz tačke I. ovog zaključka sa prijedlogom visine premije za kolektivno osiguranje dostaviti Službi za zajedničke poslove u roku od 15 dana od dana donošenja ovog zaključka, koja će pripremiti akt za Vladu Zeničko-dobojskog kantona.

III.

Zaključak stupa na snagu danom donošenja.

PREMIJER

Nezir Pivić

Broj: 02-_____/23

Datum, 21.12.2023. godine

Z e n i c a

DOSTAVLJENO:

1x Služba za zajedničke poslove,
1x Ministarstvo za pravosuđe i upravu,
1x Ministarstvo za obrazovanje, nauku, kulturu i sport,
1x Ministarstvo unutrašnjih poslova,
1x a/a.